



Äntwert vum Här Inneminister, Léon Gloden, op d'parlamentaresch Fro N° 3367 vum 19. Dezember 2025 vum honorabelen Deputéierten Marc Goergen zum Sujet "Sanctions administratives des agents municipaux".

1. A wéi ville Gemenge goufen d'Infractions, déi am Gesetz vum 2022 festgehale sinn, agefouert?

25 Gemenge hun d'Sanctions administratives agefouert.

2. Wéi vill gardes champêtres a wéi vill agents municipaux dierfen haut sanctions administratives ausschreiwten, opgelëscht no Gemeng?

Den Artikel 4 vum Gesetz vum 27. Juli 2022 iwwer d'Sanctions administratives gesäit vir, dass all d'Garde-champêtres am Kader vun hire Kompetenzen an all d'Agents municipaux kënnen Infractionne feststellen déi zu enger administrativer Strof kënnen féieren. Den Inneministère huet keng statistesch Donnéeën iwwer d'Zuel vu Garde-champêtres an Agents municipaux, déi tatsächlech sou Infractions constatéieren .

3. Wéi eng Formatiounen goufen opgestallt, fir d'Beamten an hiren neien Aufgaben aus- oder weiderzebilden?

Fir der Opwärtung vun der Kompetenz vun den Agents municipaux duerch d'Gesetz vum 27. Juli 2022 iwwer d'Sanctions administratives Rechnung ze droen, goufe folgend Formatiounen an der Grondausbildung vun dene Beamten agefouert:

- La recherche et la constatation des infractions et les dispositions pénales y afférentes (12h) ;
- Prévention de la délinquance, la sensibilisation de la population à la sécurité, la législation de la sécurité routière (12h) ;
- Élaboration de rapports de service (6h) ;
- Législation en matière de la protection de la nature (3h) ;
- Communication et gestion de conflits (12h) ;
- Gestes de premiers secours (15h).

Agents municipaux ,déi net méi am Service provisoire si, kënnen dës Formatiounen als Formation continue suivéieren.



4. Existéieren spezifesch, eenheetlech Formatiounen, fir den Ëmgang a Konflikt- oder Gewaltsituatiounen ze bewältegen? Falls jo, wéi eng?

Aus der Äntwert op d'Fro N° 3 geet ervir dass d'Agents municipaux während hirem Service provisoire eng spezifesch Formatioun suivéieren iwwer Kommunikatioun a Gestion de Conflits. Doriwwer eraus kann all Agent municipal an all Garde-champêtre och all Formatioun an deenen Domänen suivéieren, déi den Institut national d'Administration publique all Joer am Kader vun der Formation continue vum Gemengepersonal ubitt.

Lëtzebuerg, de 16. Januar 2026
Den Inneminister,
(s.) Léon Gloden